



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

**Hund, Wiguleus**

**Monachii, 1620**

Annotatio Arnonis Episcopi tempore Caroli Magni Regis Francorum.

**urn:nbn:de:hbz:466:1-13553**

## ADDITIONES.



**A**UAVIA, in Norico mediterraneo Romanorum Colonia iuxta alias cele-  
bris, sicut ex Notitiâ vtriusq; Imperij, & aliunde constat; varijs passim no-  
minibus appellatur. Iuuauium, Iuuauo, Iuauo, in tabul. Peutengeriana,  
vbi flumen Iuaro: vel Iuuarum auctori nostro. alijs Topia; quibusdam Iopia;  
ad quorum auctoritatem non immerito hebet accuratissimus omnis antiquita-  
tis literata indagator & censor, Eugippij Scholiastes, ad cap. XXIV. vita S. Seuerini In  
Diplomate Leonis PP. supr. pag. 4. inserto, Petena quog; nuncupari dicitur. Quod verò  
de Norico mediterraneo mentio habita; sciendum, Noricum vniuersum circumscri-  
bi à Ptolomeo occasum versus Oeno, septentrionem Danubio fluuijs, ortum  
Cetio, meridiem Caruencis montibus: prouincijs verò ad occasum Retiâ,  
Germaniâ magna ad septentrionem, ad orientem & meridiem Pannoniâ atque  
Italiâ. Ea pars, quæ ad Danubium vergit ripensis, reliqua mediterranea dicta  
est. Posteriori a quo Noricum ferè Boiaria est. & hæc, cum deinceps frequens vtriusq;  
Norici mentio fiat, semel ex Eugippij Scholiaste monuisse sit satis.

Absq; Eugippio esset, ferè nulla rerum tunc gestarum superesset memoria: qui v-  
nus, quàm misera & deplorata illis temporib; harum prouinciarum fuerit condicio, abun-  
dè docet.

Pontificem eius loci) presbyterum S. Maximum intellige, non Pontificem: de quo;  
& alijs L. V. martyrib; consule R. P. Mattheum Raderum Tom. 1. de sanctis Bavaricæ,  
pag. 32.

Fratres Theodonis) de fratribus Ducis Theodonis Vtone & Thietbaldo, neque ex  
Arnonis Archiepiscopi adnotatione, neq; ex S. Ruperti vitâ; sed nec villo alio probato aucto-  
re constat: sed commentitios hos fratres esse, cum alia tum diuisio Bavaricæ quæ inter Theo-  
donem & fratres facta manifestè redarguit. Vide de his Velfer. Rec. Boicar: libr. IV. ad  
annum 616.

Inferendam hoc loco censuimus adnotationem Arnonis Archiepiscopi Salub. ex qua de  
pietate & amore promouendi cultus diuinitatam Theodonis Ducis, quàm filij Theodoberti &  
aliorum liquide constat.

## ANNOTATIO ARNONIS

### Episcopi tempore Caroli Magni

#### Regis Francorum.

**D**E hoc vero quod ad Episcopatum beati Petri primi pastoris Ecclesiæ,  
sanctorumque Apostolorum principis, quod constructum est infra oppi-  
dum SALZBURG, in pago LABAOCENSIVM, super fluuium IGONTA, qui  
alio nomine SALZARA vocatur, vbi & dominus ROBERTVS Episcopus  
atque Confessor vna cum Socijs corpore requiescit, & inibi traditum fuit, &  
vbi præst venerabilis vir per diuinam misericordiam & mercedem domini no-  
stri Caroli excellentissimi Regis Arn. Episcopus.



Theodo-  
dus.

Primum quidem tradidit THEODO Dux, prædictum oppidum simulq; & castrum superiorem domino ROBERTO, cum terminis denominatis & confinibus vel omnibus appendiciis suisque adiacentiis, vna cum campis, siluis, alpes, aquis, aquarumque decursibus, sicut ad supra memoratum oppidum, vel castro Salzburch & reliqua loca vel possessiones, sicut inferius scriptum esse videtur. Similimodo tradidit idem Dux villa nuncupante PIDINGA, in pago Salzburchoue, iuxta fluuium SALA mansos XXX. inter vestitos & apfos, vel quicquid ad ipsos mansos aspicitur. Simulque & tradidit iam dictus Dux in eodem pago, in loco qui vocatur SALINAS FORNACES XX. & totidem pacellis, & tertiam partem de putatorio ibidem concessit, quod barbarice dicitur GALGO. Insuper & iam dicto loco concessit decimam de sale de thelonio quod datur incenso dominico. Nec non & præfatus Dux tradidit Romanos & eorum tribuales mansos LXXX. inter vestitos & apfos, commanentes in supra dicto pago Salzburgense, per diuersa loca. Simul & iam factus Dux tradidit in pago ARRAGOE secus torrentem FECHLESABA romanos & eorum mansos tribuales. V. inter vestitos & apfos. Itemq; tradidit supradictus Dux in præscripto pago Salzburgoe duos alpes, qui vocantur GANZO & LADVSA, in quo sunt tantummodo pascua ouium. In pago vero Drunense tradidit memoratus Dux villulam, quæ vocetur Pachman, cum mansos X. inter vestitos & apfos, cum silua & prata vel pascua ad eandem villam pertinentem, & in pago etiam Tonagoe tradidit ipse Dux secus amne Danubio iugeres vinearum duas, prope ciuitatem Reganesburcha dicta.

Theodber-  
tus Dux.

SUCCEDENTE vero filio eius Theodberto Duce, qui tradidit villulam nuncupante Vzelinga in iam dicto pago Salzburchoe, secus fluuium Salzaha, mansos XX. inter vestitos & apfos, cum omnibus appendiciis ad eam villulam pertinente. Itemque tradidit ipse Dux in loco qui dicitur Cucullos in supradicto pago Salzburgoe, super fluuio Salzaha, id est mansos III. vestitos & prata vel pascua ibidem pertinentia. Ipseque Dux tradidit villam nuncupante Vualarseo in eodem pago secus stagnum Vualarseo mansos X. inter vestitos & apfos, & siluam vel aquarum decursionem in fluenta quæ vocatur Vischaha, & quidquid ad eandem villulam pertinere noscunt, simulque & locellum, qui vocatur Talgoe in supradicto pago Salzburgoe in quo est silua, prata, vel pascua. Pari modo præfatus Dux in supradicto pago tradidit villulam nuncupante Titamaninga in qua sunt mansi XXIII. inter vestitos & apfos, vna cum siluis, campis, pratis, seu farinariis, vel quidquid ad ipsam villulam pertinere videtur. In pago vero Isanagoe super riuulum Isana tradidit idem Dux villa nuncupante Ehardinge cum mansos XV. inter vestitos apfos, cum pratis & campis vel siluas atque farinariis ad eandem villam pertinente. Aliam vero villam in eodem pago tradidit ipse Dux nuncupante Tuzzlinga cum mansi XV. inter vestitos & apfos, vna cum terminis & confinibus suis ad eandem villam pertinente. Tradiditque memoratus Dux in pago Opingoe villam nuncupatam Opinga, in qua sunt mansi XX. inter barcalcicos & seruos & inter vestitos & apfos cum campis, pratis & siluis & omnibus appendiciis suis.

Theodber-  
tus Dux.

SUCCESSOR namque filius eius Huchbertus Dux, tradidit in pago Rotagoe villa nuncupante Sauarstedi cum mansos XX. inter vestitos & apfos, & cum terminis vel appendiciis suis. In pago vero Salzburgoe tradidit idem Dux in loco qui dicitur Endorff mansos vestitos III. & apso I. & terminum siluæ, quæ adiacet secus fluenta Fischaha, & in pago etiam Matagoe tradidit præfatus Dux in loco, qui vocatur Icinga mansos tribuales IV. apfos.

PO



Post hunc extitit Otilo Dux, qui tradidit in pago Isnagoe villam nuncupatam Metumunhaim secus fluentia Isana & in ea mansos XX. inter vestitos & apfos, vna cum omnibus terminis vel appendiciis suis. Tradidit idem Dux in pago Salzburgoe locillum qui dicitur Ellesnaunans, in quo prata & silua consistitur, vel stagnum qui vocatur lacusculus, simulque & Abriam lacum, in quo constat pascua & prata vel silua, piscatio atque venatio, & inibi aliquanti fratres propriis laboribus viuunt.

Otilo Dux

Post hunc verò successit filius eius Tassilo Dux, qui tradidit in pago Tonagoe villam nuncupatam Poh cum mansos XXXIX. iter vestitos & apfos, vel cum omnibus appendiciis suis seu terminis ad eandem villam pertinente, seu & territorium, in eodem pago, in loco qui dicitur Chruchenperch, qui adiacet secus amne Danubio, in quo nunc sunt plantagine vinearum instituta. Idemque Dux tradidit in pago Filusgoe, in loco qui vocatur Riute, mansos vestitos duos. Insuper tradidit prædictus Dux in pago Salzburchgoe villula nuncupata campus romanos cum mansos tributales XXX. inter vestitos & apfos. Similiter tradidit ipse Dux in pago Isnagoe in fisco dominico qui dicitur Poch mansum vestitum vnum. Itemque tradidit prædictus Dux in pago Salzburchgoe, in loco nuncupato Hal vnum puciatorium integrum, quod vulgariter dicitur Galgo. Tradidit siquidem præscriptus in supradicto pago Salzburgoe in loco qui dicitur Regubertum seruum, nec non & presbyterum cum omni domo vel possessione sua, cum omnia, quidquid in ipso loco habuit. Ipseque Dux iam scriptus tradidit cellam quæ vocatur Garoz super ripam Eni fluminis in pago Isnagoe, quam construxit Bosò clericus per licentiam iam dicti Ducis in honore Petri principis Apostolorum, & ipse Tassilo ipsum clericum commendauit ad supra dictum monasterium vna cum ipsa cella.

Tassilo Dux

Item de hoc quod tradiderunt liberi Baiuarij per licentiam Tassilonis ad supradictum Episcopatum, quod fuit eis ex causa Dominica beneficiatum, similiter & de illis potestatem non habent desce. Bosò liber qui & presbyter, & Iohannes frater eius tradiderunt per licentiam Tassilonis in pago PINNZEOE loca nuncupantes BISONZIO & SALAFELDA, & in alio loco qui dicitur vico Romano in pago SALZBURGOE iuxta fluuium SALA, id est in totum, inter tributales & seruales mansos XV. & inter vestitos & apfos, quod sicut supra memorauimus ex causa dominica eis fuit beneficiatum, & ipsa traditione præfatus Dux ab ipso loco plenius & firmitus fecit confirmare, & in supra memorato loco Bizanzio ædificata est cella, in qua monachi labore manuum suarum viuunt. ONNO & filius eius Sigivvolff & Sigibaldus iudex tradiderunt per licentiam vt supra, in iam dicto pago Salzburgense, in loco qui dicitur vico romano mansos apfos II. simili modo ex causa dominica vt supra MAZZO & APPO & Albertus non potestatem habentibus tradiderunt per licentiam in pago ISNAGOE loca nuncupantes in Amfinga & in Widmbach & ad Hoccinhusin idem in totum mansos VII. inter vestitos & apfos. Hrodgaer & Gortscals & Eparichar tradiderunt per licentiam vt supra in supradicto pago Salzburgoe loca nuncupantes in Wangin & in Walardorf seu ad Straza hoc est in totum mansos VIII. inter vestitos & apfos. Grimbertus Comes tradidit vna cum permissione, vt supra in iam dicto pago in villula quæ vocatur Papinga mansos quatuor. Similiter ex causa Dominica Alexandra & Iacob filius eius tradiderunt per licentiam, vt supra in pago Atragoe, vel in ipso loco qui dicitur Afragoe mansos VI. inter vestitos & apfos, quod & fuit ex causa Dominica eis beneficiatum. Gaerod tradidit per licentiam vt supra in pago Salzburgoe in loco qui dicitur

Liberi  
Baiuarij



Totenhufir manfos tres, apfos fimiliter vt supra. Helmcinus per licentiam vt supra tradidit in pago Drungoe in loco qui vocatur Chorinnbach, territorium quantumcunque possidere vifus fuit, quod nunciacet apfum, qui fuit fimiliter vt supra. Dignoldus tradidit per licentiam vt supra pago Salzburgoe in loco qui dicitur Liuringa manfos III. apfos, qui fuit fimiliter vt supra: Egilulfus tradidit per licentiam vt supra in pago Matagoe in loco qui nominatur Steinbach manfos V. apfos qui fuit fimiliter vt supra. Tifa libera tradidit per licentiã Ortiloni Ducis in pago Salzburgoe in loco nuncupante monticulus, super fluuio Salzaha manfos VII. vestitos, qui fuit fimiliter vt supra, Iohannis feruus tradidit per licentiam Tassilonis in pago Salzburgoe, in loco qui vocatur Sura manfo I. vestito qui fuit simili modo vt supra ex causa dominica. Ermlint Deo sacra ta tradidit per licentiam vt supra in pago Rotagoe in loco qui vocatur Malaking super ripam Eni fluminis manfos vestitos III. simili modo vt supra. Gerlteaaz & Garmunt & Patto vendiderunt res eorum per licentiam Tassilonis ex causa Dominica in pago Salzburgoe villa nuncupata Mülдорff, id est manfos XXV. inter vestitos apfos. Theoderich tradidit per licentiam vt supra in pago Ifanagoe, in loco qui dicitur Perinbach manfos II. fimiliter vt supra ex causa Dominica. Hildolf tradidit per licentiam vt supra in supradicto pago Ifanagoe in loco nuncupantes Rota, & ad Perck manfos X. inter vestitos & apfos fimiliter ex causa dominica. Walco tradidit suum filium Odalhardum per licentiam vt supra, cum omni sua hæreditate in pago Salzburghoe in loco qui dicitur Dundi labrunna, id est manfos quinq; inter vestitos & apfos simili modo vt supra. Hrodberc tradidit per licentiã vt supra in pago Chimingoe in loco qui dicitur Pontena manfos V. inter vestitos & apfos, qui fuit simili modo ex causa dominica.

Tradidit Willipato clericus, qui & liber per licentiam vt supra in pago Sundregaoe in loco qui dicitur Vrdorff, super riuulum qui dicitur Vrpach manfos IX. inter vestitos & apfos, simili modo ex causa Dominica, quam traditionem præfatus Dux manu sua pleniter confirmauit. Tradidit Hereland per licentiam supra in pago Augustagoe manfos V. inter vestitos & apfos, simili modo vt supra ex causa Dominica.

Cella quæ vocatur Auuæ quam construxit Baldun presbyter in beneficio Dominico simulq; & Rhrobertus presbyter cum licentia Tassiloni Ducis super Ripam Eni fluminis in pago Ifanagoe, & quod ibi ex causa Dominica traditum fuit, idem in villa quæ dicitur Garoz in iam dicto pago manfos vestitos IV. fimiliter & medietate de villa, quæ vocatur Ascauue manfos VI. tres vestitos & tres apfos. Tradidit Tassilo ad Ecclesiam sanctissimi Petri principis Apostolorum quæ est constructa infra oppido Salzburgh.

Reliqua verò quod ibi traditum est, de genere nobilium hominum esse videtur, quam quidem aliqui homines iniuste eam sibi vsurpare volentes, dominus Rex in sua elymosina iterum priorem donationem, ad iam dicto monasterio permissum suum diligenter requisitam studuit reuocare.

Cella quæ vocatur Zottinge quam construxit Guntharius Comes in iure hæreditario in pago Huñigaoe in honore sancti Stephani protimartyris & quod ei Tassilo Dux concessit in beneficio idem tributarios XIII. inter manfos vestitos & apfos. Secus ipsum locum & villulam quæ vocatur Hufir, cum manfos VIII. inter vestitos & apfos in pago Salzburgoe simulque & loco qui vocatur Vfsinga, cum manfos VII. inter vestitos & apfos in supradicto pago Chimingaoe secus stagnum qui vocatur Chiminsaoe tradendi ei licentiam concessit iam factus Dux ad ipsum præfatum locum, vna cum permissione iam dicti Ducis supra scriptus Comes ad Ecclesiam beatissimi Petri principis



capite Apostolorum ad iam dicto Monasterio Salzburgh. Ipsam vero cellam iniuste abstractam dominus Rex pro mercedis suae augmentum iterum reuocandum absque vlla contradictione concessit.

Istas Ecclesias consistunt in Salzburgae & Chimingae pagibus. Item de Ecclesijs parochiales, quas in beneficium pertinent, & de Barfalcis vna cum feruis siue de eorum territorio dotatae sunt.

- |  |   |
|--|---|
| Ad Sée Ecclesia cum manso I.   | Ad Hrodheringas Ecclesia cum manso II.  |
| Ad Iubendorff Ecclesia cum manso I.  | Ad Sma Ecc. cum manso II.   |
| Ad Fischaha Ecclesia cum manso I.  | Ad Sma Ecc. cum manso II.   |
| Ad Antheringas Ecclesia cum territorio.  | Item in pago Innae.   |
| Ad Gethica Ecclesia cum territorio.  | Ad Hozzin Ecc. cum manso I.   |
| Ad Anna similiter.   | Ad Cidlar Ecc. cum manso I.   |
| Ad Liuringa Ecclesia similiter.  | Ad Turtin Ecc. similiter.   |
| Ad Walahamus Ecclesia cū manso II.   | Ad Dinpstadum Ecc. II. cum manso III.   |
| Ad Marciolas Ecc. cum territorio,  | Ad Riulū Rota Ecc. IV. cū man. VI.  |
| Ad Salinas quod dicitur Hal Ecclef. cum manso II.  | Ad Pohpah Ecc. cum manso III.   |
| Ad Tingihclinga Ecc. cū territorio.  | Item ad pohpah Ecc. cum man. II.  |
| Ad Chirchaim similiter.  | Ad Lohkirch Ecclesia cum manso II.  |
| Ad Balchlingas Ecclesia cum manso III.   | Ad Pannralas Ecclesia cum manso III. apfos.   |
| Ad Schildarius Ecc. cum manso I.   | Ad Brixina Ecclesia cum territorio.   |
| Ad Brumingas similiter.  | Ad Pirchnavvanch similiter.   |
| Ad Deorlekingas Ecclesia cum manso III. apfos.   | Ad Caostain Ecclesia cum territorio & cellula, vbi fratres nostri manibus laborant. |
| Ad Widaha Ecclesia cum villula, seu cum omni perrinentia ad ipsum vicum tradidit Ragenbertus cum manso VI. | Ad Epifas Ecclesiae II. cum territorio.   |
| Ad Taharding medietas quae ad ipsam Ecclesiam pertinet beneficium est, idem mansos VI.                     | Ad Isana Ecclesia cum territorio.   |
| Ad Erlastedi Ecc. cum territorio.  | Item Ecclesia ad Pohpah cum manso III.  |
| In pago qui dicitur interualles.   | Ad Liubin Ecclef. cum manso III.  |
| Ad Ratfeld Ecclesia cum territorio.  | Ad Rota vbi Boninaha in ipsa Rota egreditur Ecclesia cum manso VI.                  |
| Ad Prifslech similiter.  | Ad Poizchurdorf Ecclesia cum manso I.   |
| Ad Buriom Ecclef. cum manso III.   | Ad Wila Ecclesia cum manso tribus.  |
| Ad Georgij Ecclesiam.  | Ad Holza Ecclesia cum tribus manso.   |
| Ad Achingas Ecclesi. tantum.   | Item ad Holza Ecclesia cum manso IV.  |
| Ad Fuginas Ecclef. tantum.   | Ad Perck Ecclesia cum manso III.  |
| Ad Oriano monte similiter.   | Ad Pohkirch Ecclesia cum manso V.   |
| Ad Vnzdorff Ecclesia cum territorio.   | Ad S. Stephanum Ecclesia cum manso III.   |
| Ad Hrossulza similiter.  | Ad Richerihufir de coniectu.  |
| Ad Buronos similiter.  | Barfalcis Ecclesia cum manso I.   |
| Ad Pohkirch Ecclesia cum territorio.   | Ad Aharnovva Ecc. III. cum manso VII.   |
| Ad Rordorff Ecclesiam cum manso II. apfos.   |   |
| Ad Lutrinpach Ecclesi. tantum.   |   |
| Ad Hucinno Ecclef. cum territorio.   |   |



*Wannberg* Item de monasterio puellarum quod constructum est in honore Sanctæ  
 Deigenitricis semper virginis Mariæ, iuxta ipsum Episcopium, in Castro supe-  
 riore quem dominus Hrodbertus Episcopus ac confessor primum ædificauit  
 quem & Salzburg appellauit, in quo & nepotam suam Christi famulam Ern-  
 dradam constituit cum aliis puellis, in quo loco honorifice requiescit, & quod  
*Theo-  
bertus Dux* inibi traditum est à Theodoberto Duce subter annectimus. Tradidit in primis  
 Theodbertus Dux in pago Salzburgoe villa nuncupante Ainheringa cum mansis  
 XXX. inter vestitos & apfos, & exercitales viros & quod eandem villam perti-  
 nuit, cum farinariis in fluuio qui vocatur Sala. Nec non & tradidit illuc memo-  
 ratus Dux in prædicto pago locellum qui vocatur Vischaha mansos quinq; in-  
 ter vestitos & apfos, & farinariis in fluenta Vischaha. Tradidit idem Dux in eo-  
 dem pago Salzburgoe in loco qui dicitur Talgen, in quo est tantummodo Ecele-  
 sia prata & silua & medietate de lacu piscatione qui vocatur Mannseo. Tradidit  
 idem Dux in supra dicto pago in loco qui dicitur Cucullos, secus fluuio Salza-  
 ha, in quo sunt tantummodo prata silua. Tradidit ipse Dux in ipso pago in loco  
 qui vocatur Hal ad Sal coquendum fornaces IX. tres sunt vestitos, & VI. apfos,  
 & hoc decreuit censum dare vnusquisque homo qui in Hal habitaret, quod  
 barbarice dicitur Adalparo, tam hij qui in nana & mona manerent, quam & il-  
 li qui in ipsas Salinas manerent. A medio mense Maio vsque ad festum S. Mar-  
 cini omni ebdomata in feria sexta modo de sale dari deberent excepto, IV. ma-  
 nentes. Tradidit enim ipse Dux in pago Salzburgoe secus fluuio Salzaha villa  
 quæ vocatur Tiramaninga, & in ea mansos LX. inter vestitos & apfos & inter  
 exercitales & barschalcos, cum omnibus appendiciis atque adiacentiis & cun-  
 ctis terminis ad eandem villam pertinentibus, nec non & farinariis in ipso loco  
 congruentibus. Similiter ipse Dux tradidit in ipso pago supra scripto tributa-  
 rios romanos CXVI. inter vestitos & apfos per diuersa loca, & venationem in  
 silua quæ adiacet inter alpes à Gaizliberch vsque ad pontes, quæ nunc vocantur  
 stega, & alpes in eodem pago IV. Ita vocantur Cundicus & Cuculana alpicula  
 & lacuana monte, seu etiam partem de Abriani lacu piscationem, simulque  
 præscriptus Dux tradidit in pago Chimingaoe, villa quæ dicitur Waginga, cum  
 mansis XI. inter vestitos & apfos, farinariisque cum omnibus appendiciis suis,  
 & in ipso pago Chimingaoe tradidit iam dictus Dux villam nuncupatam Cha-  
 naara cum mansos XIII. inter vestitos & apfos, & inter seruos & liberos, aquis,  
 aquarum decursibus & farinariis, cum omni soliditate, & cum omnibus appen-  
 diciis suis. Insuper & in ipso pago iuxta fluenta Druna, tradidit idem Dux ro-  
 manos & eorum mansos tributales LXXX. inter vestitos & apfos, cum omnia  
 quicquid ad ipsos mansos aspicere videtur. Nec non & in pago Adragaoe tradi-  
 dit supradictus Dux romanos & eorum mansos tributales III. Siquidem ipse  
 Dux tradidit in pago Drunense tributarios XX. apud mansos eorum. In pago  
 vero Matagaoe tradidit prædictus Dux tributarios IV. cum mansis eorum toti-  
 dem inter vestitos & apfos per diuersa loca.

De cella vero sancti Maximiliani ita contigit, vt construeretur ab inicio.  
 Ibant duo fratres in locum qui dicitur Pongavi, nomen vnus Tonazanus, &  
 alterius nomen Vrso in venatione & ad aurum faciendum, & viderunt illuc  
 multa luminaria pluribus noctibus & alia signa multa, & venientes ad dominum  
 Hrodbertum Episcopum dixerunt ei quod ipsi viderunt, & ipse pergens cum  
 eis vidit ibi similiter. Tunc quoque perrexit dominus Hrodbertus ad Theodo-  
 nem Ducem, & dixit ei ipsa miracula, rogansque cum licentia sibi dare vt cel-  
 lam ibi construeret, & ita Dux Theodo ei licentiam dedit. Veniensque domi-  
 minus Hrodbertus iterum ibidem cum hominibus suis, & cum prædictis fratri-  
 bus,



uis, & cœpit ibi stirpare & locum mundare & oratorium facere. Facto autem oratorio venit iterum ad Theodonem Ducem & rogavit eum secum ibidem venire, venientes autem ibidem dominus Hrodbertus consecrauit ipsum oratorium; & Theodo Dux tradidit ipsum locum ad sanctum Petrum ad Salzburg monasterium, & ex omni parte miliarios III. & ipsi prædicti fratres cum licentia & cum consensu Theodonis Ducis tradiderunt ibidem omnem rem eorum quamcunque habebant & nepotes eorum comendauerunt ad discendum & ad tendendum ad Salzburg monasterium, nomen vnius Wrmhari & alterius nomen Cissimo, & dominus Hrodbertus misit ibidem suos monachos ad officium DEI faciendum & ad ipsam cellam faciendam. Cum autem Wrmhari & Cissimo literas didicerunt, cœperunt rogare dominum Hrodbertum, vt medietas Episcopi rei quam patentes eorum ibidem tradiderunt eis ad vsum fructuarium præstaretur, vsque ad obitum eorum; & ita fecit dominus Rodbertus, illam aliam medietatem iussit seruire ad sanctum Petrum. Ipsi autem suis nepotibus illam aliam medietatem complacitabant vsque ad obitum eorum, & ita inde fuit hoc in beneficio de monasterio Salzburg vsque ad tempus Otilionis Ducis, tunc quoque Vrsio Capellanus Ottonis precit, vt ei ipsas res ex integro daret in beneficium, & ita Otilio fecit, & tulit hoc per vim de monasterio Salzburgoe. Cœpit autem Virgilius Abba hanc ipsam causam querere ad Otilionem Ducem, & Otilio voluit illud comparare cum eo quod habuit ad Lausom, & hoc Virgilius nullatenus consensit, & ita Otilio permansit retinendo iniuste quod de Salzburg monasterio retraxit.

NOTICIAM vero istam ego Arn. vna cum, consensu & licentia domini Caroli pijsissimi regis, eodem anno quo ipse Baioariam regionem ad opus suum recepit à viris valde senibus & veracibus diligentissime exquisiui à monachis & à laicis, & conscribere ad memoriam feci. Ita sunt nomina monachorum, Vitalis Amandinus presbyter, Latinus presbyter, Guffalus Zissimo, Benedictus Diaconus, Suido Diaconus, Eno presbyter, Baldo presbyter, Leiso, Karheri, Regenbrecht presbyter, Materninus, Arnhelm Tazzus, Emico, Germanus. Laicorum nomina ista sunt, qui per sacramentum factum ab antecessoribus suis ita se audisse testificauerunt, vt supra dictum est: Iuminio Comes, Dund Comes, Kerrad iudex, Sigelpald iudex, Eparo, Iulianus Egiloff, Helmuni, Amalger, Luipram, Iurinum, Ato Gislolf, & ego Benedictus Diaconus hanc noticiam dictaui & conscribere iussi.

Consule Velsér. Rer. Boicar. lib. IV sub an. 628. vbi diligenter in annum obitus sancti nostri indagat, & ipsum diem Paschæ eruit. Vide etiam P. Rader. in sanctis Bavar. in vita S. Ruperti.

Anni à transitu S. Ruperti, vsq; ad electionem Flobargist, iuxta authorem nostrum sunt octoginta nouem, quibus si adduntur illi 628. quando nimirum obiit sanctus, conficiuntur à Christo nato anni septingenti septemdecim; ac hoc pacto intercedunt anni propè quatuor: sed potest alicui error aliquis in numerandis annis irrepisse.

Vide Nicol. Serar. Moguntiacar. rer. lib. 3. cap. 39. & seq. Marc. Velsér. libr. 5. rer. Boicar. p. 302. vbi commemorat hunc Ioannem Salzbürgensē sedi à S. Bonifacio, eo ipso tempore, quo Boicas Dioceses diuidebat, Episcopum fuisse datum. P. Rader. in SS. Bavar. Tom. 1. f. 71.

Vide M. Velsér. rer. Boicar. lib. V. pag. 282. P. Rader. in SS. Bavar. Tom. 1. fol. 74.

De Chiemensē sede vid. infr. vbi de monasterio Herzen Chiembsee.

Sed certiori calculo an. 788. vid. Velsér. Boic. V. p. 330. & P. Rader. in SS. Boiar. Tom. 1. f. 23.